

Hjúkrunarheimili á höfuðborgarsvæðinu

- **Droplaugarstaðir**, Snorrabraut 58, Rvk, www.droplaugarstadir.is
- **Eir**, Hlíðarhúsum 7, Grafarvogi www.eir.is
- **Grund**, Hringbraut 50, Rvk, www.grund.is
- **Hamrar**, Langatanga 2, Mosfellsbæ
- **Hrafnista DAS**, v/ Laugarás, Reykjavík
- www.hrafnista.is
- **Mörkin**, Suðurlandsbraut, Rvk, www.grund.is
- **Seljahlíð**, v/Hjallasel, Rvk www.seljahlid.is
- **Skjól**, Kleppsvegi 64, Rvk www.skjol.is
- **Skógarbær**, Árskógum 2, Reykjavík www.skogar.is
- **Sóltún**, Sóltúni 2, Reykjavík www.soltun.is
- **Hrafnista DAS**, v/ Boðabing, Kópavogi www.hrafnista.is
- **Roðasalir**, Roðasölum 1 www.kopavogur.is
- **Sunnuhlíð**, Kópavogsbraut 1c, Kópavogi www.sunnuhlid.is
- **Ísafold**, Strikinu 3, Gbæ, www.isafoldin.is
- **Hrafnista DAS**, v/ Skjólvang, Hafnarfirði www.hrafnista.is
- **Sólvangur**, Sólvangsvegi 2, Hafnarfirði www.solvangur.is

Upplýsingar

um hjúkrunarheimili um allt land og umsóknarferli eru m.a. á heimasíðum Landlæknisembættisins og velferðarráðuneytisins: www.landlaeknir.is, www.vel.is, www.tr.is, www.island.is, sjukra.is

Sjá einnig löggjöf:

Lög um málefni aldraðra nr. 125/1999.

Rg. um færnis- og heilsumat vegna dvalar- og hjúkrunarrýma nr. 466/2012.

Rg. um greiðslur öldrunarstofnana fyrir heilbrigðisþjónustu nr. 427/2013.

Rg. um styrki vegna hjálpartækja nr. 1155/2013.

Lög um heilbrigðisþjónustu nr. 40/2007.



Að sækja um búsetu á hjúkrunarheimili



ÚTGEFANDI:
LANDSPÍTALI, FLÆÐISSVIÐ, FÉLAGSRÁÐGJÖF
ÖLDRUNARÞJÓNUSTA, JANÚAR 2017

SAMANTEKT OG ÁBYRGÐ:
STEINUNN K. JÓNSDÓTTIR FÉLAGSRÁÐGJAFI

BÆKLINGAR ÖLDRUNARÞJÓNUSTU:
ÞJÓNUSTUNA HEIM
HJÚKRUNARHEIMILI
DVALARHEIMILI

UMBROT:
SAMSKIPTADEILD LSH



Upplýsingar fyrir eldri borgara og aðstandendur þeirra

Þjónusta

Þegar færni til að sjá um sig minnkar, er hægt að sækja um margvíslega aðstoð til að halda áfram að búa heima. Má þar nefna heimaþjónustu, heimahjúkrun, dagdvöl, akstursþjónustu, heimsendanmat og hvíldarinnlagnir.

Stefna stjórnvalda er að fólk geti búið á eigin heimili með viðeigandi þjónustu þar til þörf er fyrir búsetu á hjúkrunarheimili. Aðrir húsnæðis- möguleikar með lægra þjónustustigi geta einnig átt við. Má þar nefna hentugar íbúðir með góðu aðgengi að þjónustu (virkniíbúðir). Einnig búsetu með aðgengi að aðstoð allan sólarhringinn (þjónustu- og öryggisíbúðir) og dvalarheimili.

Hjúkrunarheimili

Umsókn um færni- og heilsumat

Fyrsta skrefið í umsókn um hjúkrunarheimili er að sækja um færni- og heilsumat. Umsóknar- eyðublað er m.a. á: www.landlaeknir.is

Umsókn skal senda til viðeigandi færni- og heilsumatsnefndar og eru upplýsingar um aðsetur aftast á umsóknareyðublaðinu. Færni- og heilsumatsnefnd er skipuð öldrunarlækni, félagsráðgjafa og hjúkrunarfræðingi.

Færni- og heilsumatsefnd sér um að kalla eftir ítarlegri gögnum frá fagfólki. Við matið er þörf fyrir sólarhringsumönnun skoðuð og hvort búseta heima með viðeigandi þjónustu sé fullreynd. Ef ekki er talin þörf fyrir búsetu á hjúkrunarheimili er umsókn synjað og bent á önnur úrræði og er hægt að sækja aftur um síðar.

Þegar umsókn er samþykkt tilgreinir umsækjandi þau heimili sem hann velur að umsókn sé skráð hjá (á höfuðborgarsvæðinu fjögur eða fleiri), sem fá þá rafrænan aðgang að umsókn og gögnum.

Færni- og heilsumatsnefnd tilnefnir tvo umsækjendur í hvert pláss sem losnar á hjúkrunarheimili, og velur heimilið milli þeirra.

Ef umsækjandi er ekki fluttur innan 12 mánaða þarf að endurnýja matið.

Aðstaða á hjúkrunarheimilum

Í þjónustu á hjúkrunarheimilum felst fullt fæði, aðstoð, umönnun, lyf, læknishjálp og hjálpartæki, nema hjólastólar.

Íbúar með minnissjúkdóma búa ýmist á almennum hjúkrunardeildum eða á sér-hæfðum hjúkrunardeildum fyrir fólk með heilabilun.

Meirihluti íbúa á hjúkrunarheimilum eru aldraðir. Í Skógarbæ, Mörkinni og Sjálfsbjargarhúsinu eru heimiliseiningar eingöngu fyrir yngri en 67 ára. Þær fullnægja ekki þörfinni og býr yngra fólk einnig á flestum öðrum hjúkrunarheimilum.

Einbýli og tvíbýli

Enn er töluvert af 2ja manna herbergjum á hjúkrunarheimilum, en á nýrri heimilum eru eingöngu einbýli. Stefna stjórnvalda er að sem flestir geti búið í einbýli og undanfarin ár hafa víða verið gerðar breytingar til mæta því markmiði.

Algengast er á heimilum með bæði búsetuformin, að þeir sem búið hafa lengur á heimilinu hafi forgang þegar einbýli er laust.

Breytingar á fjárhagsstöðu við flutning á hjúkrunarheimili

Hjúkrunarheimili eru rekin á daggjöldum og við flutning falla niður greiðslur frá TR. Íbúar halda allt að 88.088 kr. tekjum á mánuði, eftir staðgreiðslu. Umframtekjur innheimta heimilin til þátttöku í vistunargjaldi. Kostnaðarþátttaka hefst næstu mánaðamót eftir flutning þangað. Þeir sem hafa lágar eða engar tekjur eiga rétt á vasapeningum. Óskertir vasapeningar eru 68.662 kr. á mánuði en skerðast um krónu á móti krónu.

Tekjur eru allar skattskyldar tekjur, þar með taldar lífeyrissjóðsgreiðslur og fjármagnstekjur. Séreignarlífeyrissparnaður er ekki talinn með. Greiðsluþátttaka íbúa er að hámarki 395.305 kr. á mánuði.

Á árinu 2016 er við útreikning á vistunargjaldi heimilt að bera núverandi reglur saman við fyrri reglur. Tryggingastofnun reiknar út hvað er hagstæðast fyrir íbúa og hjúkrunarheimili innheimtir í samræmi við það. Hægt er að færa skattkort á maka sem býr áfram heima. Maki sem býr einn heima og er lífeyrisþegi getur sótt um heimilisuppbót. <http://www.tr.is/aldradir/dvalar--og-hjukrunarheimili/thattaka-i-dvalarkostnadi/um-uttreikning-a-thattoku-i-dvalarkostnadi-arid-2017/>

Greiðsluþátttaka lífeyrisþega tekur gildi þegar fólk hefur dvalið á sjúkrahúsi í 6 mánuði á sl. 12. mánuðum. Hægt er að sækja um frestun á greiðsluþátttöku t.d. vegna hárrar greiðslubyrði af húsnæði (Umsókn um framlengingu bóta). Íbúar sem ekki hafa náð 67 ára aldri taka ekki þátt í greiðslu dvalarkostnaðar að öðru leyti en því að greiðslur frá TR falla niður.

Upphæðir miðast við upplýsingar TR í janúar 2017.